

## TE ATUA E AORE IA TE MAMONA

I tele tau fifi no te oraraa o te nūnaa o to tātou nei fenua, te ūana noa atu ra te mau rāveā tei faaōhipahia no te faafāriu i te vārua o te taata i niā i te pūai o te moni e te moemoē i te oraraa fānāo roaa ōhie. Oia mau, te ite noa ra tātou i te reira nā roto i te mau rāveā o te perē-raa moni, te perē tāpaō e te mau titeti pāraū e te vai atura ā.

I mua i te tupu ūana-raa tele ōhipa, e aha ia tē tiā ia parau.

Ua faaite na te Etārētia i to na manaō, e ua rave na i te tahi faaoti-raa no te faaite i to na tūati ōre i tele mau ōhipa. E te ite noa ra tātou i te tāua ōre o te taata i tele huru faaoti-raa a te Apooraa Rahi a te Etārētia, eiaha rā hoi tātou e maere, eere a tahi ra huru ōhipa a tupu ai.

Tele rā, te rahi noa atura te fifi o te nānaa e te rahi noa atu ra te mau rāveā faatianiāni no te ūmeraa i te taata i roto i tele mau ōhipa. Te matara atoā ra te parau no te tahi mau fare perēraa moni tei matara atoā i tele nei.

Te mea e pāpū maitai

rā i tele nei, tele ia : aita roa atu te mau faatere o te nūnaa e tāua nei i te reo pili o te Etārētia. Ia hiōhia atu, rahi noa atu to te taata fifiraa, rahi noa atoā te faaitoitaraa a te mau ōna i te titau i te nūnaa ia faarahi atu i te haaveve ia na, no te maitai o te vetahi pae. Oia mau no te mea, aita ā i pāpū maitai atu ra te fāito o te āpī a tele mau taite e faanaho nei i tele mau perē tāpaō e aore ia te perē pāraū. Te mea e faaitēhia nei, o te fāito noa ia o te moni e roaa nei i te mau taata tei tano, noa atu e, eeri i te fāito rahi roa. E te tumu i faaitēhia ai no te faaturoriraa ia i te manaō o te nūnaa, e no te ume faahou mai ia na ia faaō ā i roto i tele mau haūti. E i te tahi pae, aita ānei tātou e maere ra, e aha te mea e hinaarohia nei e huna, inaha hoi no te maitai o te nūnaa i ravehia ai tele huru ōhipa i roto i to tātou fenua.

Ia tupu anaē te ōhipa mai tele te huru e haamanaō tātou i te parau a to tātou Fatu. "E ōre te taata e tiā ia faaroo i te fatu too piti, e riro o ia i te au ōre atu i te hoē, e te hinaaro atu i te tahi... O ōtoutu nei hoi e ōre e tiā ia faaroo i te Atua e

te Māmōna" (Mataio 6.24). E te ui-atoā-raa, aita ānei hoi tātou i fāriu i niā i te atua ra o Māmōna. Peneiaē vetahi i te pāhono mai e, aita tele e ravehia nei, e ōhipa haūti noa ia. Tele rā, e uiul noa ia tātou e, e ōhipa haūti faahou ānei hoi, ia faaiti tātou te fāito māa i roto i te merēti māa a te tamarii no te mea ua pau te moni i te vāhi haūtiraa perē, te kiki i roto i te mau vāhi atoā e māua noa ai te moni mai te faufaa ōre. Tei hea atura terā maitai to te nūnaa, mai te peu ua huehia te moni tamarii no te perē tāpaō e te perē pāraū, e ia ui mai o āiū mā i te moni no te hoo i te āhu no te haere i te haapitiraa, e parau ino tele e haere atu nei. No vai te hape, .o āiū ma?

Eere no tātou pātoā tei manaō e, e tiā ia tātou i te tāvini, no to tātou maitai, i nā fatu too piti, te Māmōna e te Atua, i te nounou e te Aroha, i te pipiri e te ōpere. E maiti tātou, no Māmōna tātou a haere ia ia Māmōna ra, no te Atua tātou a faaea ia i te haavarevare noa.

Ei manaō noa, ia riro ra ei haafururiraa.  
RALPH TEINAORE

## A TAIŌ E A PĀPAI IA ORA OE

Mai te 8 e tae atu i te 12 no Māti ua tupu na te tahi faanahoraa taa ē i roto i te rururaa faaineineraa rauti a te CPCV i te ōire no Pāpara. Oia mau, no te taime matamua roa, ua āmui mai te tahi taata no Farāni mai o Dominique Latour, no te faatere i te tahi tuatāpaparaa e te tahi haapiiraa no niā i te parau no te fifi e fāre-reihia nei e te feiā āpī i te pae no te pāpai e te taiō i ō nei i ō tātou nei.

Te tumu no tele haapiipiraa, no te tāmataraa ia e imi i te mau rāveā no te feiā āpī tei ōre i te maitai i te pāpai e i te taiō. I te mea ua iteahia e te mau rauti no te CPCV e, i roto i to r ā t o u ō h i p a - t ā m a u - r a a i pihai iho i te feiā āpī i roto i nā matahiti e rave rahi, te vai nei te fifi o ta tātou feiā āpī i te pae no te pāpaiāa e te taiōraa.

Peneiaē vetahi i te parau e, aita ihoā paha tele mau tamarii i haere i te haapiiraa, no reira rātou i ōre ai i ite i te taiō e te pāpai. Eere roa atu rā i te reira, i te mea i tele tau, e tiā roa ia parahia e, ua hope pātoā ta tātou mau tamarii i te haapiiraa e tae noa atu i te 14 o to rātou matahiti. E aha ia i fifi ai, e ahiri āē ia e, i nā roto noa i te reo farāni, te fifi ra ihoā tātou i te reira pae, tele rā te itehia nei e, te fifi atoā ra i te taiō e te pāpai nā roto i te reo māōhi. E tiā ia ia tātou ia parau e,

eere i te fifi i te pae noa no te reo, ua fifi ihoā i niā i te pāpairaa e te taiōraa i te parau.

Ua rave mai te CPCV i teie ōhipa, no te faaararaa i to te fenua nei e, te vai ra tele fifi e e mea tiā ia rave hia te tahi mau ōhipa no te ārairaa i te reira. No te mea ua ite maitai tātou i tele tau, ia ōre te tahi taata ia ite maitai i te pāpai e te taiō, e tiā noa i te mau huru taata atoā ia rave i te tahi mau ōhipa tiā ōre i niā ia na. E hia to tātou mau tupuna i topa i roto i tele here pata, no te ite ōre i te pāpai e te taiō. Te mau tamarii e te mau mooutua terā e fifi ra i tele tau, eere ānei.

No reira ia faaitoitohia tele ōhipa ta tele tāatiraa ta tātou, te CPCV e rave nei, ei maitai no ta tātou mau tamarii. E taahiraa matamua noa tele, e te vai nei ā te mau tuhaa e tiā ia ravehia, ia tāamu ia to tātou rima, e ia amo āmui i tele ōhipa, Mmai te haamanaō atoā e i te tau a oti ai te Pipiria i te neneihia nā roto i te reo Māōhi, e rave rahi to tātou mau tupuna tei tāpapa i Moorea no te hoo mai i tele puta. E hinaaro noa ānei no te taiō, e aore ia no te iteraa i te parau a te Atua, ia māramarama e i roa te ite.

Tirā rā parau

RALPH TEINAORE



"C.P.C.V. Stage sur l'illétrisme, 1993"

## TE MAU RURURAA RAHI A TE ETARETIA 1993

Mai tei te mau matahiti atoā, te tupu nei te mau rururaa rahi a te Etārētia, mai te Rururaa ōrometua e te Apooraa Rahi Amui. E mau rururaa faufaa roa tele, i te mea i reira e tuatāpapahia ai te mau parau faufaa no te oraraa o te nūnaa faaroo i tele mahana e i reira atoā e rēni hia ai te mau ōpuaraa e vair a no te haamaitai ā i te oraraa o te

Etārētia i niā i te tino o te fenua nei.

I tele matahiti e tupu tele tau rururaa i roto i te mau pāroita o te Tuhaa Hoē. No te rururaa ōrometua e tupu ia i roto i te pāroita Arue, mai te 19 e tae atu i te 23 no Tiurai 1993. I reira te mau ōrometua e rave ai i ta rātou mau putuputuraa e e pūhapa atoā ai. E no tele matahiti, ua faaoti te

Apooraa Faatere e, e āmui atoā mai te mau ōrometua vahine.

No te Apooraa Rahi Amui, e tupu ia i roto i te mau pāroita no te Tuhaa hoē, mai Pirae e tae atu i Tautira. I roto i tele mau pāroita e fārihia mai ai te mau āuvaha o te Apooraa Rahi no ta rātou mau putuputuraa e tae noa atu i te pae no te fāriiraa e te pūhaparaa.

I te mau mahana atoā e nuu noa te Apooraa Rahi i roto i te mau Pāroita ia au i te faanahoraa i faaineinehia mai e te Tuhaa hoē. E tiā ra ia tāpaōhia te pure iritiraa e tupu i te Tāpati 1 no Atete i roto i te Pāroita Arue, āreā te pure ōpaniraa e tupu ia i te Tāpati 8 no Atete i roto i te pāroita Pirae.

E riro atoā ia tele ōhipa ei

faanahoraa tei faatupu i te fāreireira i rotopū i te Apooraa Rahi e te nūnaa faaroo e vai ra i roto i tele mau pāroita no te Tuhaa Hoē. Aita e mea ino e tupu mai na nā roto i te fāreireira autaeā, o te maitai noa rā tē hotu mai, ia tuu rā tātou i tele mau ōhipa atoā i roto i te aratairaa a te Atua e tiāā ai

RALPH TEINAORE

TERERAA HORA	TAPURA OHIPA	TE	MAU	TAIO	MAHA NA	MAHA NA	MAHA NA	MAHA NA	MAHA NA	MAHA NA
		TAPATI 1.08.93	MONIRE 2.08.93	MAH.2 3.08.93	MAH.3 4.08.93	MAH.4 5.08.93	MAH.5 6.08.93	MAH.6 7.08.93	TAPATI 8.08.93	
5h45 - 6h45	TAOFERAA		PIRAE	MAHINA	PAPENOO	MAHAENA	FAAONE TARAVAO AFAAHITI	TAUTIRA	ARUE	
7h30	PURE HAAMATARAA APOORAA		PIRAE	MAHINA	HUUUAU	MAHAENA	TARAVAO	TAUTIRA		
9h30 - 10h00	AMUAMURAA		PIRAE	MAHINA	HUUUAU	MAHAENA	TARAVAO	TAUTIRA		
10h00 - 12h00	APOORAA		PIRAE	MAHINA	HUUUAU	MAHAENA	TARAVAO	TAUTIRA		
12h00	TAMAARAA		PIRAE	MAHINA	HUUUAU TIAREI	MAHAENA	FAAONE TARAVAO AFAAHITI	TAUTIRA	ARUE	
13h30 - 15h00	APOORAA		PIRAE	MAHINA	HUUUAU	MAHAENA	TARAVAO			
15h00 - 15h30	AMUAMURAA		PIRAE	MAHINA	HUUUAU	MAHAENA	TARAVAO			
15h30 - 17h00	APOORAA		PIRAE	MAHINA	HUUUAU	MAHAENA	TARAVAO			
17h30	TAMAARAA	ARUE	PIRAE	PAPENOO	HUUUAU TIAREI	HITIA	PUEU	ARUE	ARUE	
19h00	PURE IRITIRAA OPANIRAA	ARUE								PIRAE
22h00	TAOTORAA	ARUE	MAHINA	PAPENOO	TIAREI	HITIAA	PUEU	ARUE	ARUE	